

膜鯖小紀一卷

7003/206

內容提要

薛傳均（一七八八——一八二九）字子韵，江蘇甘泉人。清嘉慶時諸生。博覽羣書，精研經學，于小學尤有建樹，著有《說文答問疏證》。未刊稿本尚有《同席錄》、《薛子韵先生雜著》及這部《小紀》，均存北大圖書館。此書係匯編方言俗語之作，其取材以讀書所記為主，參以「耳目所及」、「故老所討論」。全書收錄四百余詞條，并有桂馥所撰序文。此書對研究語言、民俗有一定參考價值。

弁首

吳下主人飯客供鴨舌羹客疑亟不易得詢之監廚所積也
蘇公讀漢書每一過專記一例老杜讀書破萬卷即此法也吾
友運生見書必讀讀必紀錄識大識小各成卷軸予曰蘇公之
漢書破矣鴨舌羹不咄嗟而能辦給哉同學桂馥書

牒鯖小紀

薛傳均撰

方言俗諺咸資譚助古輜軒使者莫不采覽以為奏籍比歲硯
田瓠落諸兄弟半飢驅四方酒鐙暮雨遂多暇日爰據耳目所
及參以故老所討論竊比數典不忘之義詎曰笑牒言鯖足添
腹筭乎哉屠維赤奮若一百五日風飄雪笠山房主人識

牒鯖小紀

人中

輟耕錄唇之上謂之人中蓋由是而上眼耳鼻皆雙竅由是而
下口暨二便皆單竅三畫陰三畫陽成泰卦也螽海錄人中
蓋居人身天地之中也天氣通於鼻地氣通於口天食人以五
氣鼻受之地食人以五味口受之穴居其中故名或曰督脈從
尾間由背達頭而上至上齒縫任脈從下極之俞由腹而上至

下齒縫適當任督合處故曰人中

煖房

今之入宅遷居者隣里醵金治具過主人飲謂之煖屋或曰煖房王建宮詞太儀前日煖房來

親家

凡男女締姻者兩家相謂曰親家二字見唐蕭嵩傳今北方以親字為去聲盧綸作王駙馬花燭詩人主人臣是親家則亦有所祖

半子

唐回紇傳咸安公主下嫁可汗上書恭甚言昔為兄弟今為半子也

小姑

古詩卻與小姑別淚落連珠子

令弟

文選謝靈運酬從弟惠連云末路值令弟開顏披心曾

火伴

古木蘭詞出門見火伴

家屬

孔毅父雜說前漢西域傳屯田輪臺募民壯健累重敢徙者
詣田所注累重謂妻子家屬

計較

三國志孫堅傳堅夜馳見袁術畫地計較

阿誰

三國志龐統傳向者之論阿誰為失

點心

今以小食為點心唐史鄭僂為江淮留後家人備夫人晨饌
夫人顧其弟曰治妝未畢我未及餐爾且可點心

丫頭

吳中呼女子之賤者為丫頭劉賓客寄贈小樊詩花面丫頭
十二三春來綽約向人時

家生兒

奴婢所生子曰家生兒漢書陳勝傳秦令少府章邯免驪

山徒人奴產子師古曰奴產子猶家生奴也則家生兒亦有
所據

里長

隋高帝從蘇威議以百家為里置里長一人

傳近

俗語附近古作傳近仲長統昌言宦豎傳近卧房之內

伎養

見史記李善云有伎藝欲逞曰伎養潘岳射雉賦亦云縱心煩

而伎養

按酒

見儀禮注及詩參差荇菜疏

鯽溜

凡不慧者曰不鯽溜玉川子詩不鯽溜鈍漢

扇馬

郭崇韜疾宦官嘗謂魏王繼岌曰大王他日得天下驟馬亦不可乘況任宦官驟馬牯馬也俗謂之扇馬

課馬

俗呼牝馬為課馬唐六典凡牝四游五課羊則當年課之課歲課駒犢也

獸醫

療馬者曰獸醫療牛者曰醫牛周禮天官冢宰篇獸醫下士八人注獸牛馬之屬則療牛者亦可曰獸醫矣

客作

今謂傭工為客作見三國志焦先飢則出為人客作飽食而已

漢子

北齊魏愷自散騎常侍遷青州長史固辭文宣帝大怒曰何物漢子與官不就

房老

王子年拾遺記石季倫妾翔風以色衰退為房老

梵嫂

清昇錄京師大相國寺僧有妻曰梵嫂

火宅僧

番禺雜記廣中僧有室家者謂之火宅僧

欺負

俗以見陵於人為欺負見漢書韓延壽傳

小家子

漢書霍光傳使樂成小家子得牽大將軍至九卿封侯

子細

北史源思禮傳為政當舉大綱何必太子細也

錢癆

噴飯集炭嵩父子納贖至百萬輒置酒一高會凡五會而漁獵不止京師名之曰錢癆

小郎

晉唐以降嫂謂叔為小郎宣宗謂萬壽公主曰豈有小郎病不逞省視乃觀戲乎

打瓦

宋有拋塼陀音之戲兒童飛瓦石即今之打瓦也梅都官禁烟詩窈窕踏歌相把袂輕浮賭勝各飛塼或云起於堯民之擊壤

奴才

郭子儀曰子儀諸子皆奴才也

乾沒

見漢書張湯傳服虔曰乾沒射成敗也如淳曰豫居物以待之
得利曰乾失利曰沒黃朝英曰乾讀為乾燥之乾又蘇鶚演義
云乾沒之說如陸沈之義言乾地而沒不待沈於江湖也紫桃
軒又綴風日燥水為乾江湖沈物為沒皆暗就銷亡不可究詰之
義

戟手

左傳戟其手謂舉手如戟形也罵人狀如是

翻金斗

教坊記
作筋斗

筆塵漢有魚龍百戲齊梁謂之散樂今教坊百戲大率有之唯擲倒不知何法疑即翻金斗也翻金斗字義起於趙簡子之殺中山王后之工人以頭委地而翻身跳過謂之金斗

排牙

排牙之名唐節鎮已有之謂牙將士咸執其物以立於庭下俟